

Broj: 01-05-115-Od/20
Sarajevo, 13.02.2020.godine

Na osnovu člana 17. Zakona o osnivanju Instituta za medicinsko vještačenje zdravstvenog stanja (Službene novine Federacije BiH broj 70/07, 28/14 vi 40/18), člana 24. Pravila Instituta za medicinsko vještačenje zdravstvenog stanja (Službene novine Federacije BiH broj 38/08), člana 64. stav (1) i člana 70. Zakona o javnim nabavkama BiH (Službeni glasnik BiH broj 39/14), po Preporuci Komisije za javne nabavke od 12.02.2020.godine u postupku javne nabavke **usluga: kolektivno osiguranje zaposlenih i osiguranje motornih vozila**, donosi se sljedeća:

O D L U K A **O IZBORU PONUĐAČA**

I.

U postupku javne nabavke **usluga: kolektivno osiguranje zaposlenih i osiguranje motornih vozila**, evidencijski broj nabavke u Planu javnih nabavki za 2020. godinu: broj 20, po konkurentskom postupku za dostavu ponuda, broj obavijesti o nabavci na portalu javnih nabavki **865-7-2-8-3-3/20 od 20.01.2020. godine**;, s procijenjenom vrijednosti od 16.000,00 KM (bez PDV-a), kriterij odabira – ekonomski najpovoljnija ponuda, okvirni sporazum na 12 mjeseci s jednim ponuđačem, prihvata se preporuka Komisije za javne nabavke od 12.02.2020.godine, te se odabire ponuđač: **TRIGLAV OSIGURANJE DD SARAJEVO**, za ponuđenu cijenu od **15.818,50 KM**.

II.

Ponuđač iz točke I. ove Odluke ispunjava formalno pravne uvjete i zahtjeve ugovornog tijela i kvalifikacijske uvjete definirane u tenderskoj dokumentaciji objavljenoj dana 20.01.2020.godine, te je jedini dostavio ponudu koja ispunjava sve kvalifikacijske uvjete i svu dokumentaciju traženu u tenderskoj dokumentaciji Ugovornog organa.

III.

Okvirni sporazum dostaviti će se izabranom ponuđaču po isteku roka od 15 (petnaest) dana od dana kada su svi ponuđači koji su dostavili ponudu budu obavješteni o izboru.

IV.

Ova Odluka dostaviti će se svim ponuđačima koji su učestvovali u postupku, te će se objaviti na internet stranici Instituta za medicinsko vještačenje zdravstvenog stanja (www.imvzs.ba), a u skladu sa odredbama člana 70. Zakona o javnim nabavkama BiH (Službeni glasnik BiH broj 39/14).

V.

Izabrani ponuđač dostavio je u ponudi dokaze iz stava 3.1.1 Tenderske dokumentacije – dokazi o ispunjavanju uvjeta iz člana 45. stav (2) tačke od a). do d). Zakona o javnim nabavkama BiH, te se isti ne moraju nakonadno dostavljati (kako je navedeno u točki 3.1.1. TD)

VI.

Za provođenje ove Odluke zadužuju se stručne službe Instituta za medicinsko vještačenje zdravstvenog stanja.

O B R A Z L O Ž E N J E

Na osnovu Plana javnih nabavki Instituta za medicinsko vještačenje zdravstvenog stanja za 2020. godinu broj U.O. 01-351/30-4/19 od 20.12.2019.godine kojeg je donio Upravni odbor Instituta, donesena je Odluka o pokretanju postupka javne nabavke broj: 01-05-115/20 od 16.01.2020.godine, te je istom Odlukom imenovana Komisija za provođenje postupka.

Javna nabavka sukladno Planu javnih nabavki (evidencijski broj: 20. – glava II – dio usluge) provedena je u konkurentskom postupku, sa procijenjenom vrijednosti nabavke od 16.000,00 KM, bez uračunatog PDV-a, s namjerom sklapanja okvirnog sporazuma sa jednim ponuđačem na 12 mjeseci i prema kriteriju ekonomski najpovoljnije ponude koji je naveden pod točkom 7. Tenderske dokumentacije (TD).

Obavijest o nabavi objavljena je na Portalu javnih nabavki broj postupka: **865-7-2-8-3-3/20 od 20.01.2020. godine**, s rokom dostave ponuda do 11.02.2020. godine u 14.00 sati i otvaranjem ponuda isti dan u 14.30 sati.

Komisija za javne nabavke provela je postupak prijema ponuda, te je utvrđeno da je ukupno 13 pravnih subjekata preuzelo TD sa portala JN, da su dva (2) ponuđača dostavila blagovremene ponuda, da nije bilo neblagovremenih ponuda, pa je dana 11.02.2020.godine u 14.30 sati provedeno javno otvaranje ponuda i zapisnik o otvaranju, sa zapisnikom o prijemu ponuda dostavljen je svim ponuđačima. Ponude su dostavili:

Redni br.	Ponuđač	Broj protokola	Datum i vrijeme prijema
1.	Asa Osiguranje d.d. Sarajevo, Trg Međ. prijateljstva 25 Sarajevo	05-313/20	07.02.2020. u 11.15 sati
2.	Triglav Osiguranje d.d. Sarajevo, Dolina 8 Sarajevo	05-335/20	11.02.2020. u 11,00 sati

Prema Zapisniku o pregledu i ocjeni ponuda, od dvije dostavljene ponude, kako su naprijed navedene, jedna ponuda – i to ponuđača Asa Osiguranje d.d. Sarajevo – nije ispunjavala sve tražene uvjete, odnosno ponuđač nije dostavio svu traženu dokumentaciju i to:

- *Navedeni ponuđač nije dostavio opće uvjete za sve predviđene rizike, odnosno dostavio je opće uvjete samo za osiguranje od posljedica nesretnog slučaja – nezgode, sa tabelom za određivanje procenta trajnog invaliditeta. Nisu dostavljeni opći uvjeti za obvezno osiguranje od autoodgovornosti (AO), za nezgodu vozača i putnika (AN), za rizik - „Zaštita bonusa“, za rizik - „Lom stakla“, za „Kasko osiguranje“ - puni kasko bez franišize s uključenim rizikom*

krađe i sa zamjenskim vozilom, a sve kako je navedeno i traženo u TD pod točkom 2.2. i u čitavom Aneksu 2. – obrazac za cijenu ponude;

- *Navedeni ponuđač nije dostavio potvrdu da račun/glavni račun nije blokiran u periodu od 12 mjeseci računajući od dana objavljivanja obavještenja o nabavci (20.01.2020.godine) kako je traženo pod točkom 3.2.1. TD, već je dostavio potvrdu da glavni račun nije blokiran u periodu od 6 mjeseci od dana 29.12.2019.godine;*
- *Navedeni ponuđač nije dostavio Izjavu o ukupnom prometu i o prometu u segmentu poslovanja za period kako je traženo točkom 3.2.1. –d) T, od posljednje dvije godine za koje se raspolaže podacima ili od datuma registracije, odnosno početka poslovanja, ako je ponuđač registrovan, odnosno počeo sa radom prije manje od tri godine koja je ovjerena kod nadležnog organa, već je dostavio Izjavu o ostvarenoj premiji za 2018. i 2019. godinu – ukupno za neživotna osiguranja i posebno za vrste osiguranja, ali ista nije ovjerena kod nadležnog organa (općina ili notar)*
- *Navedeni ponuđač nije dostavio izjavu o roku isplate osigurane sume – ovjerena kod nadležnog organa (općinska služba ili Notar) - kako je traženo točkom 7. TD, dostavljena je neovjerena Izjava o uslovima osiguranja u kojoj se navodi da je rok isplate osigurane sume jedan (1) dan od dana dostave potrebne dokumentacije.*

Detaljniji opis ponuda, sa dokumentacijom i cijenom nalazi se u Zapisniku o pregledu i ocjeni ponuda od dana 12.02.2020. godine koji je prilog ove Odluke.

Sukladno Zapisniku o pregledu i ocjeni ponuda broj gornji koji je dostavljen direktoru Instituta, preporučeno je da se kao ponuđač izabere: Triglav Osiguranje d.d. Sarajevo, sa cijenom određenom u točki I. ove Odluke a iz razloga što je ponuđač u ponudi dostavio svu potrebnu i traženu dokumentaciju i kao jedini ponuđač ispunjava sve kvalifikacijske uvjete prema tenderskoj dokumentaciji i da je cijena ponude prihvatljiva i uklapa se u procijenjenu vrijednost javne nabavke, dok je ponuda Asa osiguranje dd Sarajevo odbačena radi naprijed navedenih razloga, a u skladu sa članom 68. stav (1) Zakona o javnim nabavkama BiH (Službeni glasnik BiH broj 39/14).

Nakon provedenog postupka, te analizom dostavljene dokumentacije i izvještaja Komisije, posebno su cijenjene činjenice da je Komisija za javne nabavke provela postupak sukladno odluci o imenovanju, te zakonskim i podzakonskim propisima, izvršila ocjenu kvalificiranosti ponuđača (formalno – pravni uvjeti i zahtjevi kako su definirani tenderskom dokumentacijom), te dala izvještaj o radu i preporuku u skladu sa Zakonom o javnim nabavkama BiH (Službeni glasnik BiH broj 39/14) i podzakonskim aktima, te aktima Instituta za medicinsko vještačenje zdravstvenog stanja.

Na osnovu svega navedenog odlučeno je kao u izreci ove Odluke.

POUKA O PRAVNOM LIJEKU:

Sukladno članu 99. i 101. Zakona o javnim nabavkama na ovu Odluku može se uložiti žalbu u roku od 5 (pet) dana od dana zaprimanja.

Žalba se podnosi u direktoru Instituta za medicinsko vještačenje zdravstvenog stanja, pismenim putem i to preporučenom pošiljkom ili izravno, a u dovoljnom broju primjeraka za Ugovorno tijelo i sve ponuđače.

Dostaviti:

- *svim ponuđačima koji su dostavili ponude;*
- *spis predmeta*



DIREKTOR:

Novak
prim. dr. Ivo Šandrk